

مجله علمی و ادبی

محل مطبعه و اداره :

جفال اوغلندده امنیت

صندوغی جوارنده

شنکول یقوشنده

۲۲ نومرو

اخطار :

مسلکمه موافق آثار

جدیده مع الممنونیه

قبول اولنور

درج ایدلهین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

بشنجی جلد

۹ صفر پنجشنبه ۲۷ کانون ثانی ۳۲۶

عدد : ۱۲۷

اجانبه قارشو نهایت مرتبه ده کین و خصوصیتدن ، السانه یا قیشان شفقت و مرحمت حسندن بالکلیه محرومیتدن بشقه برشی کورولمزدی. روما دهکی عظمت و فضیله کلنجه یالکیز اقطار عالمده ظلم ایتمکدن . قلیج صالامقندن ، اسیر حرب اولانلری تعذیب ایتمکدن ، اسیرلری حیوان کی استخدام ایلمکدن ، معصوم چوققلره عاجز اختیارلره ظفر عربهلری چکدرمکدن بشقه برشی دکل ایدی .

بومناسبتدن بالاستفاده بوسوزلری نقل ایدیشمز محضا اسلامک ایلک دوره تجلیسنده بیوکنده مدنیته نه مرکزده اولدیغنی قارلره آکلامق واسلامک ایلروده ذکر ایده جکمز اومتین ورصین اساسلرندن هیچ برینک بعض عقول قاصره اصحابنک ظن ایتدیکی کبی - اوله سائر مدنیتردن اقتباس ایدنامش اولدیغنی اثبات ایلمک ایچوندز . یالکیز بوقدرلهده اکتفا ایده جک دکلز . مباحث آتیدهده بو دعوامزی اوروپا اساطین علماسنک سوزلریلهده اثبات ایده جکز .

اقوام متمدنه نک ترقیات عقلیه و اخلاقیه لرینه اساس اولق اوزره سربستی مطلق ایله لوازم سیئه اجتماعیته حد اعتدالنه نه صورتله واصل اولدقیرنی واکثر حکمانک بو نقطه اعتدالی کافه ادیانک نصوصنه منافی ظن ایدهرک بر مستقبل قریب ایچنده بونلرک بالکلیه منقرض اوله رق آنلرک یرینه انسانی ساحة سعاده ایصال ایچن علوم و معارفک قائم اوله جغه حکم ایله کلرینی بالاده ایضاح ایتشدک . بز ایسه اسلامک بو صنف حکمانک مدار مفخرتی اولان ، عالم غربی انحطاطدن قورتاران بوسعاده منافی اولق شویله طورسون محتوی اولدینی بوقیللین سمادات شمیدی به قدر اوروپاده حاصل اولانلره قیاس ایدیله جک اولورسه حقیقتک خیاله نسبتی قدر فرقی اوله جغنی ادله حسیه ایله اثبات ایده جکز .

بوکونکی کونده عالم مدنیته بو قدر شعشه وجلالتله احاطه ایدن بو بنای عظیم سعادتک دعائم وارکانی اوج شیدرکه بونلرثبات واستقرار پیدا ایتدن او بنای رو بقدر معظم وجوده کلامشدر . بونلرک برنجیسی خصائص نفسیه نک قیود مزینجه ایله تحدید ایدلما سی ، ایکنجیسی قوای عقلیه نک احسن صورتله استعمالی ، اوچنجیسی علوم و معارفک بلا مانع نشر و تعمیمی .

بو اوج اساسک هر برندن علی وجه الاجال بحث ایدهرک بونلرک قواعد اسلامیه نک بر قسمی اولدیغنی اثبات ایدلم .

[بوهفتهده (دین ایله علم) (دین نه در؟) مقاله لرینی کچوروز . اولکیسی صراطک (۲۰) ایکنجیسی ده (۲۳) نومرولی نسخه لرنده مندرجدر .]

صراط مستقیم جریده معتبره سینه

محترم مدیر بک افندی

اسمنک مدلولنه خاص اولان ، جدیت مندرجاتیله تا بدایت انشارندن بری طوبدینی مسلك مستقیمنی محافظه ایدهرک افراداتی تنویرایلین صراط مجموعه سنک دین مبینمزه و مملکته سبق ایدن خدمات برکزیده سنک هر زمان تقدیرخوانی اولقدن کندی الهم . دقایق حیات اسلامیه بی ، بتون معالیات دینه منری واقفانه بر صورتده تحلیل ایدهرک بر قسم سفسطه پردازان خلقه ویردیککز درسلا او بودلیه جق بیوککلردندر . هر مقاله سی بر حکمت اجتماعی و دینغزی تشریح ایله عالم اسلامی تنبیه و ایفاظ ایلین محرمات قیمتدارکز اره سنده انار

منظومه ده کی جدیت موضوعه بر نمونه نادرالمنال اولان شاعر نزه البیان محمد عاکف بیکک شعرلری اوتندن بری سوه سوه او قوربو قیمتی فضیلت در سارینک متفرق صحیفه لرده طالعینی قالمسینه بردرلو قائل اوله منردم . چونکه بو شعرلر ، ناظمناک افاده سی کی بر عجزک کریمه سی دکل ، بلکه اکلنجه حسلرک ، اکل نافع بر رفنک محصولیدرکه هم قائلنی هم قارشنی اغلاطیر . حیات اجتماعیته بعضاً جلیع ، بعضاً مضحک منهلرینی بتون وضوحیله کوسترن بوه صحیفه « لر ، بو قیمتدار پارچه لرک اخیراً طبع ایدلمکده اولدیغنی خبر آنجه بیلسه کز قدر سویندم .

تهذیب اخلاق و تنزیه وجدانه خادم اولان بو اثرک مطبعه کزده طبعیله شبان وطنه بر خدمت فاخره کز ده ا اولیورکه عالم عرفان و مطبوعاتمزه قارشنی کوستردیککز بو اثر قدر شناسیدن ناشی سزی بتون قلبله تبریک ایدر و هر نه قدر بر قیمته مالک دکلسهده ، ملفوف مقاله مده صراط صحیفه سنک بر کوشه سینه صیقه سنی تنی ایله عرض احترامات ایلرم افندم . عمر لطفی

ترقیات اجتماعیته مزله تربیه عسکریه من

آره منره کی مناسبت

اجتهاد حجه شرقلیلرک مخصوصات اجتماعیته سیله اقوام غربیه نک خواص فکریه و حسیه لری اره سننده کلی فرقلر موجوددر . بو خصوصده اقلیمک ، معتقداتک ، تربیه اطفالک ، طرز معیشت و اجتماعک ، کورکونک تأثیراتی انکار اولنه من . محیطمزلک فیض طبیعیتسندمیدر نه در ؟ شرق محصولی اولان هر شیده بر نزاهت ، بر ساده کی و بساطت موجوددر . انسانلر من ، حیامن ، اشیامن ، الحاصل بتون موجودیت قومیه من بر صافیت طبیعیه ایله تمیزجدر . بو طبیعیلکمزک تأثیریه اولق کرکدرکه نشو و نمای عضویمز ، تکاملات دماغیه مزده یولنده ، وجدانیات و اخلاقیات اجتماعیته من ایسه بر حال مکملیتدهدر ، احتراصات مدنیته نک تولید ایتدیکی فسادات اخلاقدن منزهر ، مرحمت همجنسه معاونت ، صدق و اخلاص ، علوجناب ، مباحث ، شجاعت ، قناعت ، اعتقاد و اخ کی معالی ، فضائل دینیه من ، دستورات اجتماعیته مزدندر . عجبا بویله مآثر عالیه ایله متحلی اولان بر قوم نجیب بو خصائل بر کزیده سنی محافظه ایتک شرطیله غربک هانکی تکاملات اجتماعیته من مظهر اوله من . ترقیات مدنیته سی اعتباریله همعیار اولان بر اقصای شرق حکومتیله بر اقصای غرب حکومتی نظر تدقیقه آلسهق نه کوروروز ؟ بریسنده فضائل متنوعه اخلاقیه ایله متصف بر قومک ترقیات اساسیه مدنیته سی دیکرنده کراهت اجتماعیته ایچنده پویان بر املتک مدنیت شکلی و صوریسی دکلکی ؟ بز شرقلیلر دستور ترقیاتمزی غربدن زیاده شرق مدنیتهده آراسهق معالیات اخلاقیه مزک اوباک ولککسز اولان محاسن وجدانیاتمزک سکون و حظوظاتی ایچنده ده ا متین ، ده ا اساسی و طبیعی بر ترقیه مظهر اولوروز . بو ترقیه و وصولمزک بللی باشلی اساساتندن ، عامللرندن بریسی ده فکر حجه حیات عسکریه مزدر . چونکه عسکرلکمز بر مکتب تربیتمز اوله جقدر . معارف ، صنایع ، زراعت ، تجارت ، کبی بر مملکتک عناصر حیاتی و مدنیته سنک ترقیاتی سنه لک محصول مساعیدر . بزده رشیمه معارف قشله لر مزده آتیله جق محصولی ده